

CC.OO. esixe un tratu dighu a l'asignatura de Llingua asturiana

CC.OO. un añu más tien que denunciar el tratu discriminatoriu que la Llingua Asturiana sigue teniendo nel procesu d' escolarización.

Dende'l sindicatu consideramos qu' hai una falta de voluntá política por parte l'Alministración a la hora de convocar al personal interín pa cubrir les plazes vacantes d'asturiano y que les sustituciones por baxes nesta asignatura tan cubriéndose ensin criteriu claru. Nesta situación, dende CC.OO. esiximos a l' Alministración que camude d'actitú pa que l' alumnáu de Llingua Asturiana nun siga sufriendo les consecuencies d'esta desidia alministrativa y pa que la propia Llingua Asturiana algame les mesmes cotes de consideración que el restu les asignatures.

Por otru llau, facemos un llamamientu pa que la Consejería entame una *campaña de explicación so la escolarización de la Llingua Asturiana* y que se garantice pal cursu que vien la ufierta d'esta asignatura en tolos centros y en toles estayes. Esta campaña ta faciéndose yá conxuntamente colos sindicatos FETE-UXT y SUATEA col fin de concienciar a les Asociaciones de Padres y Madres y a los claustros de profesores de les ventaxes que pal alumnáu supón la escolarización de la Llingua, ventaxes que se recueyen en dixebrasos trabayos fechos dende los Departamentos de Ciencies de la Educación de les Universidaes d'Uviéu y Lleida (1) polos profesores **González Riaño, San Fabián Maroto y Huguet Canalis** con grupos d'esolinos que reciben clase d'asturianu frente a otros que nun la reciben. Dende'l Sindicatu femos tamién un llamamientu a los Departamentos de Llingua y a los Equipos de Ciclo de la necesidá de elaborar el Proyéutu Llingüísticu de Centru col fin d'abordar de forma global el tratamientu de les llingües nel ámbitu educativu.

Dende CC.OO. consideramos pernecesariu l'apertura d' *una Mesa Téunica* específica p'abordar tolos temes referíos a la escolarización de la Llingua Asturiana: xeneralización nes distintes etapes (Ed. Infantil, Primaria, Secundaria, Adultos), catalogación y cobertura de tolos puestos Llingua, cumplimientu dafechu de la Llei d'Usu nos trabayos burocráticos de los centros, ellaboración y difusión de materiales didáuticos, formación del profesoráu...

(1) **González Riaño, X.A. y Sanfabián Maroto, J.L.** La escolarización de la lengua Asturiana, su incidencia en el rendimiento educativo.

González Riaño, X.A. y Huguet Canalis, A. Rellaciones ente enseñanza del Asturianu y rendimientu en Matemátiques.